

來鳳縣志

卷二十七

土司志

卷二十八

風俗志

卷二十九

物產志

260203
38
2006



來鳳縣志卷二十七

土司志

總攷

繫古以來虞之有苗商之鬼方漢之西南夷介居雜處於五溪六詔之間保有疆土自相君長視王朝德政之盛衰兵力之強弱以為叛附由來舊矣自莊躡王滇而秦開五尺道為置吏之始及漢設都尉縣屬令自保就為置郡縣之始唐初溪峒蠻酋歸順者世授刺史置羈縻州縣隸於都督府為授世職之始宋參唐制析其種來鳳縣志卷之二十七 土司志 總攷

落大者為州小者為縣又小者為峒其酋皆世襲宋室既微諸司擅治其土徧設官吏盡布籍屬威福自恣矣元置軍民府土州土縣設官如府州縣其法畧備前明踵元故事更與約束定征徭差發之法其官制每宣慰

司置宣慰使司宣慰使一人從三同知一人正四副使

一人從四僉事一人正五經歷司經歷一人從七都事

一人正八每宣撫司置宣撫司宣撫使一人從四同知

一人正五副使一人從五僉事一人正六經歷司經歷

一人從八知事一人正九照磨一人從九每安撫司置

安撫司安撫使一人從五品同知一人正六品副使一人從六品

品僉事一人正七品其屬吏目一人從九品每招討司置招

討司招討使一人從五品副招討一人正六品其屬吏目一

人從九品每長官司置長官一人正六品副長官一人從七品

其屬吏目一人未入流每蠻夷長官司置長官一人正六品

副長官一人從七品土司之官凡九級自從三至從七皆

無歲祿承襲必奉朝命其子弟族屬妻女若壻及甥之

替襲胥從其俗洪武初西南夷來歸者以勞績之多寡

分尊卑之等差而府州縣之名亦往往有之後定其制

來鳳縣志卷之三十七 土司志 總攷 二

以府州縣等官隸驗封布政司領之以宣慰招討等官

隸武選都指揮領之隸驗封者三百六十隸武選者一

百三十有三漸為宣慰司者十一為宣撫司者十為安

撫司者十九為招討司者一為長官司者百七十有三

其府州縣正貳屬官或土或流亦因其俗也宣慰宣撫

等司皆設儒學教授從九品訓導未入流以流官為之文武

相維土流間用有相讐者疏上聽命於天子俾得謹守

疆土修職貢供征調無相攜貳治蠻之法無逾於此迨

至我

朝畏威懷德未及百年莫不輸誠納款改土歸流不惟漢唐而還無此雅化亦豈有虞之文教成湯之撻伐所得比隆者哉各司裔復沐

國家浩蕩之恩畀之田房妥爲安置並予以千總把總世襲其職則念其舊勲恤其後裔者不可爲不厚矣原土司之在來境者凡七曰散毛曰大旺曰東流曰臘壁曰卯崗曰漫水曰百戶其族姓凡三曰覃氏曰田氏曰向氏綜其本末詳爲志之不惟世職之子孫不至數典而忘其祖亦見我

來鳳縣志

卷之二十七

七司志

總攷

三

聖朝厚澤深仁淪浹遐荒所以宏六合無外之規而享萬年有道之長也

附考土司印

俱直紐九疊篆文

宣慰司銅印

方二寸七分厚六分

宣慰司經歷銅印

方二寸一分厚三分

宣撫司銅印

方二寸五分厚五分

宣撫司經歷銅印

方二寸厚二分五釐

安撫司銅印

方二寸四分厚四分五釐

招討司銅印

方二寸四分厚四分五釐

長官司銅印 方二寸二分
厚二分五釐

散毛司

墨來送覃姓譚子之後齊侯滅譚譚子奔莒遂去言為覃梁有覃無克覃元先唐有覃行璋覃光鈿皆其裔也來境原七司散毛為長墨來送其始官之祖土人謂天曰墨謂天來送也為唐貞觀安撫使遞傳至宋

按覃氏宗譜稱為炎宋時人仁宗元祐間隨狄青征儂智高記聞異辭附存備考

覃野毛宋仁宗朝加散毛宣撫使司世襲其職

來鳳縣志 卷之二十七 土司志 散毛 四

覃文猛神宗熙甯九年州崗蠻長覃文猛覃彥霸各以其地歸版籍

覃汝先不仕隱居陝西南鄭縣生二子長伯堅次伯圭受世職征四川吳曦有功俱授行軍總管伯圭之後為

毛崗司

覃伯堅 汝先子襲征九溪十八崗蠻加都督軍民之職卒

贈左僕射光祿大夫任施州柳城

覃譜諸子 伯堅襲

勾答什用元世祖本紀至元三十年四月師壁散毛崗

勾答什用等四人各授蠻夷官賜以璽書遣歸

按師壁崗卽神壁司其舊地今爲散毛關前時或屬散毛或併入散毛官秩世系均無可攷惟至正十一年載師壁崗土官田驢什用盤順府土官墨奴什用降立長官司一條見元順帝紀餘則僅見崗名而已覃順世祖本紀至元三十五年五月散毛崗主覃順等來貢方物陞其崗爲府

覃野王元文帝紀至順三年四月壬寅四川師壁散毛盤速出三崗蠻野王來貢

來鳳縣志

卷之二十七

土司志

散毛

五

覃全在元順帝紀至正六年七月丁亥散毛崗蠻全在叛招降之立散毛誓崖軍民宣撫司

覃野旺明土司傳洪武五年散毛宣慰司都元帥覃野旺上僞夏所授印

覃起刺明土司傳洪武十七年散毛沿邊安撫司安撫野旺之子起刺來朝命爲本司僉事

覃構西陽志洪武二十五年散毛司覃構部落向天富等作亂朝命藍玉討之調西陽土兵一萬三千人隨征散毛平以附近九靈地歸西陽以黔江之西陽司爲界

覃友諒永樂二年復設施南散毛二長官司先是洪武初諸土司長官來降者皆予以原官蠻苗吳面兒之難諸土司地多荒廢長官亦罷承襲至是故土官之子覃友諒等以招復蠻民請仍設治所以其戶少降爲長官司隸大田軍民千戶所以友諒爲散毛長官覃添富爲施南長官四年改施南散毛仍爲宣撫司以友諒添富來朝故也土司傳永樂五年賜印帶宣德三年以東流臘壁沙溪隸焉

覃暄正統三年試職

詳控制

來鳳縣志

卷之二十七

土司志

散毛

六

覃本林暄子襲景泰元年貴州羣蠻作亂圍平越按察御史黃鎬乞援於朝上命都督方瑛會湖廣總督侯璉率散毛司領附近土司合兵勦之本林破二百八十餘寨縛其酋以獻封都督元帥

覃顯宗

本林子

襲事母至孝母病躬侍湯藥日夜罔懈居

喪哀毀暈絕數次遠近稱爲孝子

覃斌

顯宗子

襲天順三年貴州東苗于巴豬攻都勻諸衛

同都督方瑛擒之送京師封鎮遠將軍

覃國珍

斌子

襲成化二年從王師討靖州銅鼓五開武岡

諸蠻克八百餘寨授世襲都督元帥

覃榮國珍子襲覃譜作啟正德四年入貢賜蟒衣妻封夫

人八年以事革去都督元帥宜撫世襲如故 舊衛志

嘉靖中土寇黃中叛既平議設兵備駐紮隆慶二年李

堯德以車駕副郎任湖廣按察使司僉事駐紮施州衛

捕治黃中族黨誅散毛宜撫覃榮施南宜撫覃任

覃玉鑑榮子萬曆二十八年隨總督李化龍平播有功封

鎮遠將軍世襲賜印

覃可達玉鑑子襲

來鳳縣志 卷之二十七 土司志 散毛 七

覃青霄可達長子襲無嗣

覃獅霄可達次子襲兄職

覃勳麟 國初襲散毛宜撫使康熙時從大兵平吳逆

授鎮遠將軍印沙溪六崗等處屬焉麟秉性剛方隣司

畏憚容美司約擊永順司勿許勒兵擊之麟固守官寨

容美兵圍月餘水涸麟禱於天大雨容美兵感服而退

覃鴻基勳麟子襲

覃烜鴻基子襲雍正十三年率屬歸誠繳宜撫使印給予

千總世襲撥給漢陽孝感田房安插無嗣大憲題請其

弟璠承襲固辭蒙允扶兄櫬回籍

大旺司

驢蹄什用田姓有媯之後也元夏時世襲大旺宣撫使加兵部侍郎明洪武四年奉調征川兵部侍郎如故總理諸司二十五年又奉調率副將向天富征川病故年七十三歲

田應龍驢蹄子襲先代父職征川永樂五年同胞弟見龍副將向天富入貢引見領節字四十號銅印一顆卒年六十七歲

來鳳縣志 卷之三十七 土司志 大旺 八

田敬應龍子襲成化十一年卒年七十七歲

田友富敬子襲宏治八年卒年五十九歲

田政友富子襲正德六年從征四川江津縣七年四川順

慶保甯縣流賊反詔令討之時政抱病以長子大勝次子大貴代征賊平以大勝代父為宣撫使大貴封將軍

嘉靖三年卒年八十一歲

田大勝政子襲嘉靖十五年卒

田清大勝子襲嘉靖三十六年從征麻陽草子坪隆慶四

年征覃壁六年卒

田養民清子襲萬曆二十七年總督七省軍務李命參將

王一貴本衙掌印唐一麟調養民征靖播酋養民親破

板角關三十四年卒

田得玉養民子襲天啟二年自備兵三百名從部院平水蔡

西安酋崇禎十二年卒

田永豐得玉子以安撫司職世襲 國朝初襲如故順治

六年卒

田安國永豐子豐卒時安國僅一歲胞叔永爵代任視事

康熙五年請換印信八年領印一顆十二年安國漸長

來鳳縣志 卷之二十七 土司志 大旺 九

始襲職為安撫使十九年卒

田玉安國胞姪康熙十九年襲四十二年以罪罷職

田正元康熙四十三年襲雍正十三年改土歸流徙孝

感縣安插世襲千總

東流司

田銘前明襲長官司

田獻章 國朝順治初為東流長官司

田玉璧獻章子襲

田興仁玉璧子襲

田堯封子興仁襲雍正十三年改土歸流堯封徙孝感縣安插世襲把總堯封故子邦榮襲

臘壁司

田大旺田氏家譜作田大旺送元至元三十年明玉珍據蜀時授安撫參政辭疾不就明洪武二年以安撫加車騎將軍隨大將軍徐達常遇春徇下山東繼克西蜀又勦平洞蠻向天富之亂卒葬宣撫山

田興永樂四年命本司舍人田志送向朝虎招復潰散蠻民三百家宣德三年進京朝貢奉旨世襲長官司賜

來鳳縣志卷之二十七 土司志 東流臘壁十

湖字三百一十八號銅印一顆回司正統十三年卒

田耳毛送正統十三年襲天順七年卒

田大古襲宏治三年卒

田禎襲正德六年奉調本司兵三百名征四川江津縣賊七年復調原兵征四川寶甯賊俱有功蒙賞十三年卒

田大金襲嘉靖二十一年卒

田奎襲嘉靖三十六年調征麻陽柑子坪喇耳山賊隆慶四年復調征金崗司覃壁俱有功萬曆元年卒

田宗堯襲萬曆四年卒

田洪襲萬曆三十三年卒

田秉龍襲萬曆三十七年調征叛苗有功陞宣撫使勅建牌坊崇禎十二年卒無子

田祿龍襲兄職永曆八年卒

田萬鍾祿龍子未襲職病故

田琦明永曆八年襲祖職 國朝順治初以琦為臘壁司長官司康熙元年給予康字一千八百一十六號印信二十三年卒

來鳳縣志 卷之二十七 土司志 臘壁 十一

田朝柱琦子襲康熙五十一年卒

田俊德朝柱子雍正三年襲本年卒

田封疆俊德子襲雍正十三年改土歸流徙孝感縣安插

世襲把總賜田四百石後陞廣東督標守備乾隆五十九年還鄉省墓卒於臘壁司衙院葬鐵家坨孫受乾襲

卯崗司

向貴什係出將軍向寵蜀漢時分鎮荆南歷傳至元世授軍民宣撫使明初以兵三千從中山王徐達掃除羣雄洪武六年仍授世襲軍民宣撫使賜工字七號銀印

一類

向喇喏子貴什永樂七年襲隨貢方物成祖以其勤政興學撫綏有道加授撫夷將軍御賜書一函歷任二十七年

向那吾喇喏長子正統元年襲四年調征兩廣率胞弟向僉

俾向落俾等攻貴州崖連破虎頭關飛雲寨賊平賜蟒衣向僉俾給總理劄付向落俾給僉事冠帶劄付歷任二十二年

向大踵那吾子天順二年襲六年調征貴州苗有功賜節

來鳳縣志卷之二十七 土司志 卯崗 十三

鉞七年加飛魚服色歷任三十三年

向龍大踵子宏治四年襲五年調征鎮南及桑植叛逆白

止俾率總理向仁等破之授提督川湖沿邊軍務授向

仁錦衣指揮使歷任四十一年

向景春龍子嘉靖十一年襲朝貢二次歷任十六年以目

瞽子政替襲

向政嘉靖二十六年調征鎮筸叛苗政時年十五歲智勇絕倫以父目瞽慨然代行至即取回堡烏牌等處屯兵谷口除夕之前夜乘黑霧用計攻破老菜溪苗寨斬

獲無算巡撫姜將軍李以景春日瞽題請政襲職繼辦
皇木得旨嘉獎四十年調征廣東猺獞拔羅鳳仙臺二
寨磔賊首莫拉布哈番於軍前遂定其地賜雲龍黃絲
紵歷任二十年

向明輔子政隆慶二年襲時金崗司舍人覃璧殺本官覃
璽及陶指揮以下奪印叛命四年調明輔隨勦以計殺
其悍將藍牯牛乘勝攻破壺瓶口假角山女兒寨直搗
悔寨活捉覃璧斬之授總兵官賜仁字八號總兵印一
顆歷任三十年

來鳳縣志

卷之二十七

土司志

卯崗

七

向位子明輔萬曆三十六年襲歷任二十五年

向同廷子位崇禎年間襲時遭流賊侵擾同廷率兵堵禦

國朝初仍襲職如故時百戶向蒿為亂永順助之三寇老

司城兩寇天井壩力不能敵乃割涼水井下乘車之地
與和而新寨等處亦叛歷任二十一年卒於順治九年
司中政務悉委二府代理二府者同廷之弟明廷也

向南子同廷幼隨母冉太夫人避亂於西陽司之平難三

壩司中軍務皆決於明廷康熙四年回司仍襲職歷任
二十二年

向子坤南康熙三十年襲時各遵 王化侵併稍靖乃

遷居水護坪改為新司城立衙署修民房安撫百姓歷

任十七年

向舜子坤卒時舜幼不能襲替大憲命子坤弟子藩暫

行護理康熙五十九年舜已成立承襲雍正十三年改

土歸流徙孝感縣安插世襲千總

附

向明良明輔胞弟也賢達公忠司人敬服向蒿之亂

年僅弱冠白馬素衣泣訴於湖廣巡撫郭公轅門郭

來鳳縣志 卷之二十七 土司志 卯崗 十四

公感動為之出兵明輔子位年甫九齡巡撫湖廣金

公以明良地處親賢牌委護理司事明良招集流亡

省刑薄歛行之一年政令肅然萬曆二十八年正月

調征播賊楊應龍明良應調為前鋒至龍泉攻破板

角關三月遂復官崖克七牌大將軍李記明良頭功

十二月八路兵進攻龍囤隨副將軍劉繼直入婁山

關關極險萬峯插天中通一線我兵從間道攀藤魚

貫而入屯白石八路兵亦集火光燭天應龍驚慌無

措同妾縊死獲其子朝棟等七人梟示遂平其地明

良以功授參將三十六年向位年長承襲謂良曰吾欲雪先人之恨何如良曰司主新承世職未得民心不可乃陳十事一曰修身二曰英果三曰明哲四曰愛民五曰信六曰禮七曰重一本八曰睦鄰司九曰守十曰戰位書於坐側四十一年十二月大祀先祖共飲福酒位以一爵屬良曰念祖宗披荆斬棘得享尺寸之土不幸遭向蒿所辱先人含恨九原今祭祀對越予心恥焉敢以神貺申敬叔父望叔父圖之良出席對曰敢不竭力接酒飲罄遂遣人至百戶偵探

除日潛師夜行大獲全勝越明日四十二年正月朔班師還特備牲牢告成功於先靈卒於天啟五年向明廷同廷之弟也官本司二府值明末各司吞併干戈不息百戶借永順兵來侵同廷與戰不勝將避居天井壩明廷諫曰土地祖宗之遺也子孫當死守勿去况司城乃社稷之根本官長實百姓之表率若司城一棄官長一遷則民無依勢必土崩瓦解恐新江兩寨亦難保守同廷不聽臨行明廷又攔馬泣諫曰司主之舍此遷彼謂有寇耶若遷彼復寇又安遷

焉何不并力拒賊於此司勢雖弱民心猶懷整頓甲
兵或可一戰而却不聽至天井壩百戶復侵又遷截
盜河割地與之和同廷卒子南幼不能理事司中政
治大小皆決於明廷此時論土地則僅彈丸論居民
不盈千戶明廷內撫外禦轉弱為強先服新寨次伐
江口練軍實峙芻芟將以雪數世之恥功未竟而卒
向子藩子坤胞弟幼涉經史多智畧子坤卒代理司
事勸農興學司民賴之

向子奇子坤弟為本司權司中軍性敏好學與兄子

來鳳縣志

卷之三十七

土司志

卯崗

十六

藩贊襄司務境內稍安撰卯崗司志六卷

漫水司

向宗烈世襲安撫司與卯崗百戶司同宗明太祖時同
荆南十八土司換印信各司其土

向墨鐵送

宗烈子襲

向金

墨鐵子襲

向洪化

金子襲

向瓊

洪化子襲

向國泰

瓊子襲

國初襲如故

向正乾國泰襲

向廷富正乾襲雍正十三年改土歸流徙孝感縣安插

世襲千總後陞守備廷富卒子國相襲國相卒無子弟
國棟子正魁襲以功陞馬營墩都司

百戶司

向麥洪武初入貢隨奉征調有功授宜撫使三年授正
路先鋒給領土司印信勅札

向鐵麥襲

向坐海樂俾襲

來鳳縣志卷之二十七土司志漫水百戶 十七

向刺送樂俾襲

向夕刺送襲

向成夕襲平麻陽賜鼓鼎

向仲仁成襲

向漢仲仁襲

向貢漢襲萬曆二十八年播州楊應龍兄弟不靖奉命
征勦有功

向柱遠柱一名襲天啟二年調征水西賊摧鋒挫銳一往

無前授副總兵

向金鑾子柱遠

襲

國初襲如故

向國治子金鑾

襲

向權子國治

襲雍正十三年改土歸流徙孝感縣安插世

襲把總卒子世璽襲卒子振綱襲卒弟振銓襲